

ԿԱԼԿԱԹԱՅԻ ՀԱՅՈՑ ՄԱՐԴԱՍԻՐԱԿԱՆ ՃԵՄԱՐԱՆԸ

ԿՇԱՐՈՒՆԱԿԻ ԻՐ ԱՌԱՔԵԼՈՒԹՅՈՒՆԸ

ՃԵՄԱՐԱՆԸ ՀԱՆՁՆՎԵՑ ԱՄԵՆԱՅՆ ՀԱՅՈՑ

ԿԱԹՈՂԻԿՈՍՈՒԹՅԱՆ ՏՆՕՐԻՆՈՒԹՅԱՆԸ

1821թ. ապրիլի 2-ին Կալկաթայում, հայոց եկեղեցու անմիջական հարևանությամբ հանդիսավորապես բացվեց սփյուռքի ամենահին ուսումնական հաստատություններից մեկը՝ Մարդասիրական ճեմարանը: «Հնդկահայը, ինչպես Մադրասի մեջ, նույնպես և հոս, Կալկաթայի մեջ կրցավ իր կրթական կյանքին տալ ինացական շարժումի այն շունչը, որ պահանջն էր որքան իր արյան բնագոյին, նույնքան նաև իր տեղական պետքի, կրթված ժողովուրդի մը հետ արժանապես և հաջողությամբ գործակցիլ կարենալու հարկին», - գրել է Թորգոմ արք. Գուշակյանը:

Ճարուցակելով գործել ցայսօր, ճեմարանը կոչված էր դառնալու հնդկահայ համայնքի մնայուն և կարևորագույն հաստատություններից մեկը: Ժամանակին այստեղ ուսանելու էին գալիս հազարավոր հայ երիտասարդներ և որ Տուրայից և այլ վայրերից: Անցյալ դարակեսին ճեմարանը փայլում էր իր դասախոսական կազմով և սաներով: Մեսրոպ Թաղիադյան, Հովհաննես Ավդալյան, Թադեոս Տեր-Ստեփանյան, Սկրտիչ Էմին և բազմաթիվ այլ անուններ մշտապես կիշեցնեն ճեմարանի ոսկե դարը:

Սակայն երբեմնի հայաշատ գաղութը, որի թիվը ներկայումս 100-ից ավելի է, ճեմարանում ուներ ընդամենը 5 աշակերտ: Մարդասիրական ճեմարանին սպառնում էր փակվելու վտանգը: Ասկավաթիվ սաների պատճառով այն կարող էր վաճառվել կամ իր դռները բանալ հնդիկ ուսանողների համար:

Եւ ահա գտնվեց ճեմարանի փրկության լավագույն լուծումը: Ճեմարանի գոյությանը սպառնացող վտանգը կանխելու նպատակով Ե.Ս.Օ.Տ.Տ Գարեգին Ա Ամենայն Հայոց Կաթողիկոսն առաջարկեց դպրոցը վերակենդանացնել հայաստանցի ուսանողներով:

Գտնվեցին նաև ճեմարանի պահպանմամբ շահագրգիռ հնդկահայեր, որոնք ի հակակշիռ ճեմարանի հոգաբարձուների խորհրդի, իրապես համոզվեցին, որ լավագույն լուծումը կրթական հաստատությունը Մայր Աթոռին հանձնելն է: Ճեմարանի հետագա ճակատագրի շուրջ ծայր առած ներհամայնքային տարածայնությունը իր վերջնական լուծումը ստացավ այս տարվա փետրվարի 15-ին Կալկաթայի Գերագույն դատարանում: Գերագույն դատարանի որոշմամբ կատարվեց Մարդասիրական ճեմարանի թերևս երկրորդ վերածնունդը. դպրոցն անվերադարձ կերպով տրվեց Ամենայն Հայոց Կաթողիկոսությանը, իսկ Ամենայն Հայոց Կաթողիկոսն իրավունք և իշխանություն ստացավ տնօրինելու այն իր ցանկացած ձևով:

Եւ ահա այս տարվանից Ամենայն Հայոց Հայրապետի տնօրինությամբ ճեմարանի ուսանողների թիվը կավելանա հայաստանցի 30 առաջին դասարանցիներով: Ճեմարան ընդունվում են 7 տարեկանից և դպրոցի

վերաշխուժացման լավագույն տարբերակ է նկատվել ամեն տարի ճեմարանում 30 աշակերտից բաղկացած նոր առաջին դասարանի բացումը, շնորհիվ որի 10 տարի անց Մարդասիրական ճեմարանն իր 300 աշակերտներով կրկին կդառնա մի մեծ ուսումնական հաստատություն: Այստեղ ստեղծված են անհրաժեշտ բոլոր պայմանները: Ճեմարանն ունի իր գրադարանը, լոգավագանը, սպորտային համալիրը, տղաների և աղջիկների համար նախատեսված առանձին կացարաններ:

Կարևորվում է նաև երեխաների ընտրության հարցը: Գնդկաստան ուսանելու կմեկնեն առաջին հերթին որբանոցներից, ապա՝ գիշերօթիկ դպրոցներից կամ միակողմանի ծնողազուրկ և սոցիալապես խիստ անապահով ընտանիքների երեխաներ: «Ընտրվում են այնպիսի երեխաներ, որոնց այստեղ ապրում են շատ ավելի ծանր պայմաններում, քան կապրեն այնտեղ», - ասում է Մարդասիրական ճեմարանի կառավարիչ, Մայր Աթոռ Սբ. Էջմիածնի Միջեկեղեցական հարաբերությունների բաժնի վարիչ Տ. Միքայել ծ. վրդ. Աջապահյանը:

Ճեմարանի ուսուցման ծրագրերը կհամաձայնեցվեն թե՛ Գայաստանի Գանրապետության և թե՛ Գնդկաստանի ուսումնական ծրագրերի հետ: Ուսուցման հիմնական լեզուն լինելու է անգլերենը: Չնայած դրան մեծ ուշադրություն կդարձվի նաև հայերենին, մանավանդ, որ ճեմարանն ավարտելուց հետո ուսանողները վերադառնալու են Գայաստան: Մայրենի լեզվով ճեմարանում կդասավանդվեն բոլոր հայագիտական առարկաները: Այս առարկաների ուսուցիչները նույնպես լինելու են Գայաստանից: Արդեն կատարվել է հայաստանցի առաջին ուսուցիչների ընտրությունը և ուսուցիչ ամուսիններից բաղկացած երեք ընտանիք մեկ տարի պայմանագրային ժամկետով կմեկնի Գնդկաստան:

Լուծված է նաև Գնդկաստանի բարձրագույն դպրոցներում ուսումը շարունակել ցանկացողների հարցը: Նրանց համար Կալկաթայի հայ համայնքի կողմից ստեղծվել է հիմնադրամ, որը կոչվելու է Գարեգին Ա Ամենայն Գայոց Կաթողիկոսի անունով և որը կապահովի տարեկան 4-5 ուսանողի կրթական ծախսերը Գնդկաստանի համալսարաններում:

Իրապես գտնվել է ճեմարանի փրկության բանային, և հռչակավոր Մարդասիրականը շարունակելու է իր առաքելությունը՝ ի շահ հայ ազգի և Մայր եկեղեցու:

Գ. Մկրտչյան